

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Shqipëria një ndër vendet më të shtrenjta të rajonit, TVSH-ja e ushqimeve dhe mungesa e prodhimit ven das rrisin koston për qytetarët
ADRESA	https://newsbomb.al/ekonomi/shqiperia-nje-nder-vendet-me-te-shtrenjta-te-rajonit-tvsh-j-a-e-ushqimev-i401085
BURIMI	newsbomb.al
GJENDJA	edited

KOHA


KAPUR NGA NE	13 shtator 2026, 05:55:30 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	13 shtator 2026, 05:52:00 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	8bb771093e7b9589c6abc601149ab58a9e508f4cf239b7b5d76bc231e54293a1
TEKSTI	e7283fa607ebe306398eeaaaf2c4dc8adba0c902718b1a5fa26cf7a13790cc750
PAMJA	6c1baf552fbbc1439c8063247ea17387374a71ab4ba46096647c26aa9e5eab88

ZINXHIRI I PROVËS

KJO HYRJE	0c74fe6465e354cdb03c38dc1fed42c68144d7aa701b52e76beb12b83d655559
E MËPARSHMJA	ed9bfe8752552767919d3068db0c0d55ab1a60636711d2329422fcd602b93fd6
RRËNJJA MERKLE	—
ANKORIMI	nuk është ankoruar ende <i>Kjo hyrje nuk është përfshirë ende në asnjë pemë Merkle të dërguar. Zinxhiri i hash-eve provon rendin dhe integritetin; koha jo.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/0c74fe6465e354cdb03c38dc1fed42c68144d7aa701b52e76beb12b83d655559>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored · dritarja 1280×1024 px

Hapësire reklamuese



12 numrat e parë FALAS!

[Version PDF](#)

[Abonohu te Revista](#)



- [Kreu](#)
- [Politikë](#)
- [Aktualitet](#)
- [Ekonomi](#)
- [Kulturë & Art](#)
- [Rajon](#)
- [Sport](#)
- [Bota](#)
- [Showbiz](#)
- [SocialBomb](#)



Created and monetized by  mediadesk



Çështjet kryesore

Live Updates

[Arrestohet Ergys Agasi](#)

E Enjte 10:25

Live Updates

["Retreat"-i i qeverisë në Pogradec!](#)

E Hënë 09:32

Live Updates

[SPAK godet grupin e Eldi Dizdarit dhe Dritan Gjijkës](#)

E Martë 14:24

[Ekonomi](#) 13 Shtator 2026, 07:52

Shqipëria një ndër vendet më të shtrenjta të rajonit, TVSH-ja e ushqimeve dhe mungesa e prodhimit vendas rrisin koston për qytetarët

Shkruar nga Newsbomb



 Shqipëria një ndër vendet më të shtrenjta të

Foto ilustruese

Qeveria po kërkon ta frenojë shtrenjtimin e ushqimeve përmes “PriceEatch”, një platformë që do t’u mundësojë konsumatorëve të krahasojnë çmimet në rrjetet e supermarketeve.

Nisma mund të rrisë transparencën, t’i ndihmojë familjet të zgjedhin alternativën më të lirë dhe të ushtrojë presion konkurrues mbi tregtarët, por ajo nuk prek drejtpërdrejt kostot që formojnë çmimin.

Pas çmimit të një produkti ushqimor në vendin tonë qëndron një zinxhir i gjatë faktorësh, që nga prodhimi i pamjaftueshëm vendas, varësia nga importet, TVSH-ja 20%, çmimi i lartë i karburantit, transporti, humbjet gjatë shpërndarjes. Në sezonin turistik, këtij zinxhiri i shtohen trafiku, vonesat në furnizim dhe një kërkesë që bujqësia vendase nuk po arrin ta ndjekë.

Të dhënat tregojnë se problemi nuk mund të shpjegohet vetëm me shtrenjtimin e mallrave jashtë vendit. Në korrik 2026, sipas Eurostat, çmimet e ushqimeve dhe pijeve joalkoolike në Shqipëri u rritën me 3.2% krahasuar me një vit më parë, teksa rritja mesatare në Bashkimin Europian ishte vetëm 0.6%.

Ushqimet u shtrenjtuan në Shqipëri pesë herë më shpejt se mesatarja europiane. Shqipëria kishte rritjen më të lartë në Ballkanin Perëndimor, përpara Kosovës, ku ushqimet u shtrenjtuan në korrik me 2.7% dhe Malit të Zi, me 2.3%.

Në Serbi, çmimet e ushqimeve ishin 5.6% më të ulëta se një vit më parë, ndërsa në Maqedoninë e Veriut ranë me 0.3%.

Kjo ndodhi në një periudhë kur dy faktorë të jashtëm duhej të ndihmonin në uljen e presionit, forcimi i lekut ndaj euros dhe rënia e çmimit mesatar të ushqimeve të importuara.

Përlllogaritjet bazuar në të dhënat e tregtisë së jashtme të INSTAT-it tregojnë se, në shtatë muajt e parë të vitit 2026, çmimi mesatar për kilogram i importeve të grupit “Ushqim, pije dhe duhan” ra me 6.5% krahasuar me të njëjtën periudhë të vitit 2025. Megjithatë, çmimet që paguan konsumatori vijuan të rriteshin.

Kjo mospërputhje tregon se presioni nuk vjen më vetëm nga tregjet ndërkombëtare. Ai po krijohet gjithnjë e më shumë brenda vendit.

Eleni Babameto, e cila zotëron një nga kompanitë më të mëdha të importit dhe shpërndarjes së ushqimeve, “Teuta”, thotë se çmimet e larta në Shqipëri janë pasojë e mungesës së prodhimit vendas, barrës fiskale dhe kostove të transportit.

“Ne nuk kemi prodhim të mjaftueshëm vendas dhe as industri ushqimore të zhvilluar, ndërsa kemi një nga normat më të larta të TVSH-së për ushqimet në Europë”, thotë ajo.

Sipas znj. Babameto, ana tjetër, çmimi i lartë i karburanteve prek çdo hallkë, nga fermeri që punon tokën te përpunuesi, importuesi dhe distributori që furnizon pikat e shitjes.

Në këtë situatë, monitorimi mund të ndihmojë për të identifikuar diferencat e pajustificuara, por nuk mund të zëvendësojë një politikë ushqimore.

Zgjidhja kërkon një pakete të ndihur masash. Alban Zusi, ekspert i çeshtjeve të bujqësisë që operon në tushen e agroindustrisë, thotë se duhet një analizë për të identifikuar mundësitë për të prodhuar në vend ushqimet që importojmë.

Sipas tij, kjo realizohet duke mbështetur të gjithë zinxhirin, që nga prodhimi deri të përpunimi, siç kanë bërë vendet e rajonit.

Rajoni, nga TVSH-ja e ulët të masat ekstra në treg

Një nga arsye për çmimet e ushqimeve në vendin tonë janë shumë të larta është TVSH-ja. Shqipëria taton produktet e shportës në nivelin 20%, ashtu si të gjitha mallrat e luksit ose të tjerat që nuk kanë rëndësi jetike.

Krahasimi me Ballkanin Perëndimor e nxjerr Shqipërinë në pozicion të pafavorshëm. Serbia ka të njëjtën normë standarde, 20%, por ushqimet bazë i taton me 10%, sipas legjislacionit tatimor vendas.

Në Kosovë, norma standarde është 18%, ndërsa drithërat, mielli, buka, makaronat, vaji i gatimit, qumështi, produktet e bulmetit, vezët dhe kripa tatonen me 8%.

Mali i Zi ka normë standarde 21%, por për bukën, miellin, qumështin dhe produktet e bulmetit përdor normën e reduktuar 7%.

Në Maqedoninë e Veriut, norma standarde është 18%. Ushqimet bazë tatonen me 5%, ndërsa disa kategori të tjera ushqimore me 10%. Norma 5% përdoret edhe për ushqimin e kafshëve dhe për një pjesë të materialeve e pajisjeve bujqësore.

Bosnjë-Hercegovina nuk ka normë të reduktuar, por norma e vetme prej 17% është tri pikë përqindje më e ulët se ajo që Shqipëria aplikon mbi ushqimet.

Por, përveç TVSH-së më të ulët, vendet e rajonit kanë marrë masa ekstra për frenimin e rritjes së çmimeve pas pandemisë.

Pas valës së inflacionit që nisi në vitin 2021 dhe u përshpejtua në vitin 2022, me rritjen e çmimeve të energjisë dhe ushqimeve, vendet e Ballkanit Perëndimor ndërhyjnë me masa të jashtëzakonshme për të frenuar koston e jetesës. Më vonë, sidomos pas vitit 2024, disa qeveri kaluan drejt kufizimit të marzheve të fitimit, duke synuar të ulnin çmimet pa krijuar mungesa në treg.

Maqedonia e Veriut ishte ndër vendet që ndërhyri më fort. Gjatë kulmit të krizës, në vitet 2022-2023, qeveria ngriu çmimet e disa produkteve bazë, si buka, qumështi, makaronat dhe vezët.

Në shkurt 2025, masa u ndryshua drejt një modeli më fleksibel, me kufizim të marzhit të fitimit deri në 10% në tregtinë me shumicë dhe pakicë për 73 grupe produktesh ushqimore.

Kosova ndoqi një qasje të ngjashme me çmime tavan për produktet e shportës bazë. Pas rritjes së fortë të çmimeve, qeveria miratoi në parim ligjin për kufizimin e çmimeve për produkte si drithërat, mielli, vaji ushqimor, vezët dhe produktet higjienike.

Paralelisht, u forcuan kontrollet e Inspektoratit të Tregut mbi marzhet e importuesve të mëdhenj dhe marrëveshjet që mund të çonin në abuzime.

Mali i Zi e zhvendosi fokusin kryesisht të kufizimi i marzheve. Pas disa ndërhyrjeve gjatë periudhës 2024-2025, qeveria zgjeroi listën e produkteve me çmime të kufizuara në mbi 70 kategori, përfshirë mishin, bulmetin, vajin, miellin, perimet dhe ushqimet për fëmijë. Marzhi i fitimit u kufizua në 5% për shitësit me shumicë dhe 7% për shitësit me pakicë, ndërsa masat u shtynë deri në fund të marsit 2026.

Serbia përdori fillimisht një kombinim rezervash shtetërore dhe marrëveshjesh me supermarketet. Në vitet pas krizës, qeveria ndërhyri me rezerva për produkte si mielli dhe vaji, ndërsa më pas nxiu fushata si “Çmimi më i mirë”, në bashkëpunim me rrjetet e tregtisë, për uljen e çmimeve të produkteve të përditshme.

Kjo qasje solli rënie të çmimeve të ushqimeve në mesin e vitit 2026, sipas të dhënave të cituara për rajonin.

Në Bosnjë-Hercegovinë, masat u zbatuan në mënyrë të fragmentuar, për shkak të ndarjes administrative të vendit. Të dy entitetet vendosën kufizime të marzheve për produktet e shportës bazë. Në Republikën Srpska, masat u shtynë deri në fund të vitit 2025, me synimin për të mbajtur nën kontroll çmimet e produkteve më të domosdoshme.

Shqipëria ndërhyri kryesisht në vitin 2022, përmes bordeve të transparencës për ushqimet bazë dhe karburantet, si dhe paketave sociale për shtresat më të prekura nga rritja e çmimeve.

Por, ndryshe nga disa vende të rajonit, aktualisht nuk ka një mekanizëm të gjerë aktiv për kufizimin e marzheve të fitimit në produktet ushqimore.

Mungesa e prodhimit vendas, shkak për çmime të larta

Konsumi dhe zgjerimi i turizmit kanë krijuar një treg ushqimor më të madh. Por bujqësia dhe industria përpunuese nuk po furnizojnë dot sasi të qëndrueshme, me standard të njëjtë dhe në kohën që kërkojnë supermarketet, hotelet dhe restorantet. Hendeuku po mbulohet me importe.

Të dhënat e INSTAT-it për tregtinë e jashtme tregojnë se, gjatë periudhës janar–korrik 2026, Shqipëria importoi rreth 239.3 mijë tonë drithëra, 23.1% ose 44.9 mijë tonë më shumë se në të njëjtën periudhë të një viti më parë. Vetëm drithërat përbënin rreth 39.5% të sasisë së përgjithshme të ushqimeve të importuara.

Importet e perimeve dhe zarzavateve u rritën me 11.1%. Për produktet e bulmetit, vezët dhe mjaltnin, sasi të importuara u shtuan me 6.8%, në 21.6 mijë tonë. Importet e frutave dhe arrave u rritën me 5.1%. Ka ndryshuar edhe harta e furnizuesve. Importet nga Serbia ranë me 15%, ndërsa u shtuan furnizimet nga Kroacia dhe Moldavia, kryesisht për drithërat.

U rritën gjithashtu importet nga Ukraina, Maqedonia e Veriut dhe Greqia. Për mishin dhe frutat ekzotike, tregu u orientua më shumë drejt Brazilit, Argentinës dhe Ekuadorit. Sa më shumë ushqime të vijnë nga jashtë, aq më i ekspozuar bëhet tregu ndaj transportit, kursit të këmbimit, luhatjeve ndërkombëtare dhe ndërprerjeve të furnizimit.

Shqipëria nuk mund t'i zëvendësojë të gjitha importet ushqimore. Por mund ta ulë varësinë në kategoritë ku ka avantazh, është shprehur Alban Zusi.

Potencialin më të madh e kanë perimet, zarzavatet dhe disa lloje frutash. Prodhimi i perimeve arriti në më shumë se 1.44 milionë tonë në vitin 2025, por importet e tyre u rritën sërish me 11.1% në shtatë muajt e parë të vitit 2026.

Hotelet, restorantet dhe supermarketet kërkojnë furnizim të vazhdueshëm, kalibër të njëjtë, paketim, certifikim dhe faturim.

Gjithashtu, të bulmeti dhe mishit, potenciali për rritjen e prodhimit është i pranishëm nëse jepen subvencione. Ringritja e blegtorisë kërkon pagesa për krerë, financim për shtimin e tufave, prodhim ushqimi për kafshët, stallat, veterinarinë, përpunimin dhe kontratat blerjeje.

Të drithërat, mundësia e zëvendësimit të importeve është më e vogël. Shqipëria nuk konkurren lehtë me sipërfaqet e mëdha dhe prodhimin e mekanizuar të Serbisë, Ukrainës apo Kroacisë. Politika duhet të përqendrohet në sigurinë e furnizimit, rezervat dhe diversifikimi i partnerëve, jo të një objekti jorealit vetëmjaftueshmërie.

Nga viti 2020, çmimet e ushqimeve të importuara u rritën me 40%

Çmimi mesatar për kilogram i importeve të grupit “Ushqim, pije dhe duhan” ishte relativisht i qëndrueshëm gjatë viteve 2015–2020.

Përlllogaritjet e “Monitor”, të kryera si raport i vlerës së importuar me peshën neto të raportuar nga INSTAT-i, tregojnë se çmimi mesatar ishte 99.63 lekë për kilogram në vitin 2015.

Brenda gjashtë viteve, çmimi kishte lëvizur në një interval të ngushtë prej rreth 97–101 lekësh. Goditja e fortë nisi në vitin 2021. Çmimi mesatar u rrit me 16.3%, në 117.96 lekë për kilogram. Në vitin 2022 pasoi një tjetër rritje, këtë herë me 23.9%, duke e çuar mesataren në 146.12 lekë, nivelin më të lartë të periudhës.

Krahasuar me vitin 2020, kostoja mesatare e një kilogrami ushqime, pije dhe duhan të importuar ishte rritur me rreth 44%.

Pas kulmit të vitit 2022, presioni nisi të zbehej. Në vitin 2023, çmimi mesatar ra me 11.2%, në 129.77 lekë për kilogram. Në vitin 2024 zbriti me 6.9%, në 120.85 lekë, ndërsa në vitin 2025 u regjistrua një rënie e lehtë prej 0.4%, në 120.37 lekë.

Në shtatë muajt e parë të vitit 2026, çmimi mesatar ishte 115.57 lekë për kilogram, rreth 6.5% më i ulët se në të njëjtën periudhë të vitit 2025.

Por goditja nuk është zhbërë. Edhe pas rënies, çmimi mesatar i importit mbetet rreth 14% mbi nivelin e vitit 2020 dhe afërsisht 16% më i lartë se në vitin 2015.

Një pjesë e vonës në uljen e çmimeve të konsumit mund të lidhet me kontratat afatgjata, rezervat e blera më herët dhe kohën që kërkon transmetimi përgjatë zinxhirit. Por fakti që çmimi mesatar i importit po bie, ndërsa ushqimet në tregun vendas po shtrenjtohen, tregon se koston e krijuara brenda Shqipërisë kanë marrë rol më të madh.

Karburantet dhe logjistika e kushtueshme

Çmimi i karburanteve prek çdo hallkë të zinxhirit ushqimor. Fermeri përdor naftë për mekanikën bujqësore, përpunuesi paguan transportin e lëndës së parë; importuesi mbulon lëvizjen nga porti ose pika kufitare, distributori furnizon magazinat dhe pikat e shitjes.

Aktualisht, një litër naftë po shitet me 219 lekë për litër, nivelin më të lartë në rajon dhe Europë.

Edhe kur produkti blihet më lirë jashtë vendit, transporti nga kufiri në magazinë dhe më pas të rrjetet e shitjes mund ta zbejë përfitimin.

Sipas znj. Babameto, mangësitë e logjistikës bëhen veçanërisht të dukshme gjatë sezonit turistik. Kamionët që furnizojnë zonat bregdetare mund të qëndrojnë për orë të tëra në trafik. Vonesat shtojnë konsumin e karburantit, orët e punës dhe rrezikun e humbjeve për produktet e freskëta. Kompanitë do të përballen edhe me kosto të tjera nga procesi i integritimit evropian. Standardet për sigurinë ushqimore, gjurmueshmërinë, magazinimin dhe transportin kërkojnë investime në mjedise, pajisje dhe teknologji. Këto investime janë të domosdoshme për cilësinë, mbrojtjen e konsumatorit dhe eksportet. Por nëse bizneset nuk mbështeten me financim të përshtatshëm, një pjesë e kostos mund të kalojë në çmimet përfundimtare. TVSH-ja e lartë, BE-ja e trajton ushqimin si nevojë bazë Distributorët e ushqimeve u shprehën se TVSH-ja e lartë është shkak kryesor për çmimet e larta të ushqimeve. Babameto tha se Shqipëria duhet ta ulë prapun për ushqimet e shportës, pasi tregu tani është i fiskalizuar dhe procesi është më i monitorueshëm. Shqipëria nuk është e detyruar ta mbajë TVSH-në mbi ushqimet në nivelin 20% për t'u përfruar me Bashkimin Evropian. Përkundrazi, kuadri evropian krijon hapësirë për norma më të ulëta. Sipas Komisionit Evropian dhe Direktivës së TVSH-së, shtetet anëtare mund të përdorin deri në dy norma të reduktuara, jo më të ulëta se 5%, për kategori të përcaktuara. Direktiva lejon gjithashtu një normë nën 5% dhe një normë zero për një numër të kufizuar kategorish që plotësojnë nevoja bazë, ku përfshihen ushqimet. Në praktikë, pjesa më e madhe e vendeve të BE-së përdor norma të reduktuara. Gjermania aplikon 7%, Franca 5.5% për shumicën e ushqimeve, Holanda 9% dhe Greqia 13%. Italia përdor norma të diferencuara 4%, 5% dhe 10%, Kroacia 5% dhe 13%, ndërsa Polonia 5% dhe 8%, në varësi të produktit. Luksemburgu zbrit deri në 3% për kategori të caktuara. Danimarka është ndër përjashtimet e pakta. Ajo nuk përdor normë të reduktuar dhe i taton ushqimet me normën standarde 25%. Shembulli më i fundit i përdorimit të TVSH-së si instrument kundër kostos së jetesës vjen nga Suedia. Nga prilli 2026, qeveria suedeze e uli përkohësisht normën mbi ushqimet nga 12% në 6%, me parashikimin që masa të qëndrojë në fuqi deri në fund të vitit 2027. Në shtator, Reuters raportoi se, sipas vlerësimit të Agjencisë Suedeze të Konsumatorit dhe Institutit Kombëtar të Kërkimeve Ekonomike, ulja ishte transmetuar në çmimet e shitjes me pakicë. Përvoja suedeze tregon dy gjëra. Së pari, TVSH-ja mund të përdoret për të lehtësuar familjet. Së dyti, ulja duhet të shoqërohet me monitorim, në mënyrë që përfitimi të kalojë te konsumatori dhe të mos mbetet te marzhet e tregtisë. Znj. Babameto tha se, për Shqipërinë, një ulje e përgjithshme për të gjitha ushqimet do të favorizonte në vlerë absolute edhe familjet me konsum të lartë. Alternativa më e arsyeshme do të ishte një shportë e kufizuar me bukë, miell, oriz, qumësht, vezë, vaj dhe produkte të tjera bazë, e shoqëruar me raportim të çmimeve para dhe pas ndryshimit. Pikërisht këtu “PriceEatch” mund të marrë një funksion real, jo thjesht të krahasojë supermarketet, por të kontrollojë nëse lehtësimi fiskal kalon te qytetari. Çmime europiane, të ardhura shumë më të ulëta Paradoksi shqiptar nis nga raporti ndërmjet çmimeve dhe të ardhurave. Sipas të dhënave të Eurostat për nivelet krahasuese të çmimeve, në vitin 2025, indeksi i çmimeve të ushqimeve dhe të pijeve joalkoolike në Shqipëri arriti në 103.8, me mesataren e Bashkimit Evropian të barabartë me 100. Kjo do të thotë se një shportë ushqimore që kushton mesatarisht 100 euro në BE kushton rreth 104 euro në Shqipëri. Një vit më parë, niveli shqiptar ishte 99.6% e mesatares europiane. Nga ana tjetër, të ardhurat për frymë në Shqipëri mbeten rreth 43% e mesatares së BE-së, ndërsa konsumi individual aktual, një tregues që pasqyron më mirë mirëqenien materiale të familjeve, arrin në afërsisht 48% të mesatares së BE-së. Pesha që ushqimet kanë në buxhet e bën çdo rritje më të ndjeshme. Sipas peshave të publikuara nga INSTAT-i, ushqimet dhe pijet joalkoolike përbëjnë 34.6% të shportës së Indeksit të Çmimeve të Konsumit. Në korrik 2026, inflacioni i përgjithshëm i matur me Indeksin e Çmimeve të Konsumit arriti në 3.4%, nga 2.5% një vit më parë. Ushqimet dhanë 1.09 pikë përqindje, ose afërsisht një të tretën e rritjes së përgjithshme të çmimeve. Shtrenjtimi nuk shpërndahet në mënyrë të barabartë. Një familje me të ardhura të ulëta, që shpenzon gjysmën e buxhetit për bukë, qumësht, mish, vaj, perime dhe fruta, goditet shumë më fort se një familje ku ushqimet zënë vetëm një të pestën e shpenzimeve. Hendeku dallohet veçanërisht nga emigrantët që kthehen në Shqipëri dhe kanë mundësi t'i krahasojnë drejtpërdrejt tregjet. Ferdinant Xhindoli, nga Durrësi, u kthye me bashkëshorten pas 33 vitesh emigracion në Itali. Ai thotë se gjatë vitit të fundit ka vërejtur një rritje të vazhdueshme të çmimeve. “Në një supermarket në Itali bëra rreth 80 euro blerje. Të njëjtat produkte në Shqipëri do të më kushtonin afërsisht 120 euro”, thotë ai. Sipas z. Xhindoli, kostoja e jetesës mund të kthehet edhe në pengesë për kthimin e emigrantëve. “Thuhet që emigrantët të kthehen, por nëse nuk merren masa dhe vendime sa më shpejt, nuk besoj se shumë prej tyre mund ta përballojnë kthimin me këto çmime”, shprehet ai./ Monitor.al
Sondazh Poll
Lexo gjithashtu Ekonomi Bizneset përsëri kundër projektligjit për anëtarësim me detyrim në Dhomën Ekonomike Kombëtare E Shtunë 07:41 Ekonomi 9 hektarë tokë shtetërore për 1 euro. Qeveria miraton investimin strategjik në Durrës E Premte 17:16 Ekonomi Qeveria i jep kompetenca Komisionit të Prokurimit Publik të pezullojë dhe shpallë të pavlefshme kontratat PPP E Premte 16:05 Ekonomi Euro prek minimum të ri, thyen për herë të parë edhe prapun e 92 lekëve E Premte 15:17 Ekonomi Rekord i ri historik, emigrantët dërguan në Shqipëri 621 miliardë lekë në 6-mujorin e parë të vitit E Enjte 18:27 Ekonomi Buxheti shtetëri 10 miliardë euro më shumë së masë bazë: natën nga shtatëdhjetë në njëzetë dhe krahësiën

[KRAHEIM QË KEMI 10 MINUTË EMBËR ME SHUMË BE MËLË DALLIM, VETËM DËGJIMIN I DALLËS MË VËZGJËRË](#)

E Enjte 08:13 Newsbomb

Ekonomi

[Euro në rënie edhe për shtatorin, pranë thyerjes së kufirit të 92 lekëve](#)

E Mërkurë 15:50

Ekonomi

[Për çfarë i shpenzojnë paratë shqiptarët dhe europianët: 29% për ushqime, gati trefishi i BE-së](#)

E Mërkurë 08:31

Ekonomi

[Përplasja e qeverisë me magistratët, gazetarja sqaron ngërçin për pagat në Thesarin e Shtetit: Asnjëra nga palët në konflikt nuk po respekton ligjet](#)

E Hënë 15:36

Ekonomi

[Portofoli total i kredisë kaloi për herë të parë vlerën e 1 trilion lekëve, individët po blejnë shtëpi, bizneset mbështesin investimet](#)

E Hënë 15:18

Ekonomi

[Konsumi për shëndetësinë, vetëm 40% e BE-së; gjysmën e faturës e paguajnë familjet, rekord në Europë](#)

E Hënë 08:06 Newsbomb

Ekonomi

[Jetesa bëhet më e shtrenjtë në Shqipëri, në korrik çmimet u rritën pesë herë në krahasim me BE-në](#)

E Hënë 08:15

Ekonomi

[Kryetari i Këshillit të Agrobiznesit, Agim Rrapaj: “Price Watch Albania” funksionon vetëm me bashkëpunim privat-publik](#)

E Diel 23:45

Ekonomi

[Drafti për “faturën” e BE-së, nga TVSH te plastika, si do të financohet kontributi pas anëtarësimit](#)

E Shtunë 09:03 Newsbomb

Ekonomi

[Qeveria prezanton skemën e sigurimit në bujqësi, Radonshiqi: Lëvizje të vonuar dhe një mënyrë për të shmangur dëmshpërblimet pas përmytjeve](#)

E Premte 20:16

Ekonomi

[Shqiptarët po i besojnë më shumë Lekut, depozitat në monedhën vendase u rritën dy herë më shumë se ato në euro në korrik](#)

E Premte 17:30

Revista



Abonohu tani dhe lexoje

Lajmet e fundit

Aktualitet

[Furgoni ku po udhëtonte doli nga rruga, humb jetën i riu shqiptar në Kroaci! 28-vjeçari la nënën të vetme](#)

E Diel 12:19

Aktualitet

[Dyshohet se kanë burimin nga paratë e pista, policia e Vlorës me “dorë të hekurt”, sekuestron disa mjete luksoze \(VIDEO\)](#)

E Diel 11:59

[Zbulohet më shumë artikuj >](#)

Hapësire reklamuese

bombvideo

[Shiko video të tjera në Newsbomb Youtube](#)



[“Kam shkruar një poezi për mësuesen e letërsisë”, Rama ndan momentin e veçantë: Ishte bjonde yll...](#)



[Nga Fieri, Vlora dhe Korça, Rama njofton hapjen e 4 universiteteve të reja: Do të jenë me reputacion](#)



[Investimi në ekonominë shqiptare, Rama për Gjergj Lucën: Brand ndërkombëtar](#)



[“Po Belinda Balluku”, gazetarja vë Ramën përballë pyetjes së fortë, përgjigjet kryeministri](#)



[“Po presim të vijë projekti për Zvërnecin”, Rama: Nuk do shitet Sazani](#)



[“Çfarë të kam bërë unë ty?” Rama ndan bisedën me punonjësin e administratës: E mora në telefon dhe...](#)

**op
ed**

OpEd

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.